

Articles accordez pour la Tréue generale.



A PARIS,

Par Federic Morel Imprimeur
ordinaire du Roy.

I 5 9 3.

Avec Privilege.

THE NEWBERRY
LIBRARY

*ARTICLES ACCORDEZ POVR
la Tréue generale.*

PREMIEREMENT,



VIL y aura bõne & loyale Tréue & cef-
fation d'armes ge-
nerale, par tout le
Royaume, pais, ter-
res, & Seigneuries
d'iceluy, & de la protection de la
Couronne de France, pour le temps
& espace de trois mois, à cõman-
cer, à sçauoir au gouuernement de l'Isle
de France, le iour de la publication
qui s'en fera à Paris & à S. Denys, en
mesme iour, & dez le lendemain que
les presens articles seront arrestez &
signez. Ez Gouuernemens de Cham-
paigne, Picardie, Normandie, Char-
tres, Orleans & Berry, Tourayne,

Aniou & le Mayne, huit iours apres la datte d'iceux. Ez gouuernemens de Bretagne, Poictou, Angoumois, Xainctonge, Lymosin, haute & basse Marche, Bourbõnois, Auuergne, Lyonnois & Bourgongne, quinze iours apres. Ez gouuernemens de Guyenne, Languedoc, Prouence & Dauphiné, vingts iours apres la conclusion dudit present traicté : & neantmoins finira par tout à semblable iour.

II.

Toutes personnes Ecclesiastiques, Noblesse, habitans des Villes, du plat pays, & autres, pourront durant la presente Tréue recueillir leurs fruits & reuenus, & en iouir en quelque part qu'ils soiēt situez & assis ; & rentrerōt en leurs maisons & chasteaux des champs, que ceux qui les occupent seront ténus leur rendre, & laisser libres de tous empeschemens :

A ij

A la charge toutefois qu'ils n'y pourront faire aucune fortification durāt ladiete Tréue. Et sont aussi exceptees les maisons & chasteaux, où y a garnisōs employees en l'estat de la guerre, lesquelles ne seront rendues; neantmoins les propriétaires iouront des fruiets & reuenus qui en dependent : le tout nonobstant les dons & saisies qui en auroient esté faictz, lesquels ne pourrōt empêcher l'effet du present accord.

III.

Sera loysible à toutes personnes, de quelque qualité & cōdition qu'elles soient, de demourer librement en leurs maisons, qu'ils tiēent à present avec leurs familles, excepté ez villes & places fortes, qui sont gardees: esquelles ceux qui en sont absens, à l'occasion des presens troubles, ne seront receuz pour y demourer, sans

5

permission du Gouverneur.

I I I I .

LES Laboureurs pourront en toute liberté faire leurs labourages, charrois & œuures accoustumez, sans qu'ils y puissent estre empeschés, ny molestés en quelque façon que ce soit; sur peine de la vie, à ceux qui feront le contraire. v.

LE port & voicture de toutes sortes de viures, & le commerce & trafiq de toutes marchandises, fors & excepté les armes & munitions de guerre, sera libre tant par eau, que par terre, ez villes de l'un party, & de l'autre, en payant les peages & impositions, comme ils se leuent à present ez bureaux, qui pour ce sōt establis, & suiuant les panchartes & tableaux sur ce cy deuant arrestez: excepté, pour le regard de la ville de Paris, qu'ils seront payez suiuant le trai-

A iij

été particulier sur ce fait. Le tout sur peine de cōfiscatiō, en cas de fraude, & sans que ceux qui les y trouueront puissent estre empeschez de prendre & r'amener les marchandises & cheuaux qui les conduiront, au bureau où ils auront failly d'acquiter. Et où seroit vsé de force & violence cōtre eux, leur sera fait iustice tant de la confiscation, que de l'excez, par ceux qui auront commandement sur les personnes qui l'auront commis. Et neantmoins ne pourront estre arrestez lesdictes marchādises, cheuaux & viures, ny ceux qui les porteront, au dedans de la banlieue de Paris, encores qu'ils n'ayent acquitté lesdictes impositions : mais sur la plainte & poursuite en sera fait droit à qui il appartiendra. VI.

NE pourront estre augmentez lesdictes impositions ou autres nouuel-

les mises sus durant ladicte Tréue, ne pareillement dressez autres bureaux, que ceux qui sont desia establis.

VII.

CHACUN pourra librement voyager par tout le Royaume, sans estre adstraint de prendre passeport: Et neantmoins nul ne pourra entrer ez villes & places fortes de party contraire, avec autres armes, les gens de pied que l'espee, & les gens de cheual l'espec, la pistolle ou harquebuse, ny sans enuoyer au parauant aduertir ceux qui y ont commandement: lesquels seront tenus bailler la permission d'entrer, si ce n'est que la qualité & nōbre des personnes portast iuste ialousie de la seureté des places où ils commandent: ce qui est remis à leur iugement & discretion. Et si aucuns du party contraire estoient entrez en aucunes desdictes places,

sans s'estre declarez tels, & auoir la-
dicte permission, ils seront de bõne
prinse. Et pour obuier à toutes dis-
putes, qui pourroient sur ce interue-
nir, ceux qui commandent esdictes
places, accordans ladicte permission,
seront tenus la bailler par escrit sans
frais.

VIII.

LES deniers des tailles & taillon
seront leuez, comme ils ont esté cy
deuant, & suyuant les departemens
faits, & commissiõs enuoyees d'une
part & d'autre, au commencement
de l'annee: fors pour le regard des
places prises depuis l'enuoy des cõ-
missions, dont les Gouverneurs &
Officiers des lieux demoureront
d'accord par traicté particulier: Et
sans preiudice aussi des autres accors
& traitez particuliers desia faits pour
la perceptiõ & leuee desdittes tailles
& taillon: lesquels seront entretenus

&

& gardez.

IX.

NE pourront toutesfois estre leuez par anticipation des quartiers, mais seulement le quartier courant, & par les Officiers des Elections: lesquels en cas de resistance, auront recours au Gouverneur de la plus prochaine ville de leur party, pour estre assiste de forces. Et ne pourra neantmoins à ceste occasion estre exigé pour les frais qu'à raison d'un sold pour liure, des sommes pour lesquelles les contrainctes seront faictes.

X.

QUAND aux arrerages des tailles & taillon, n'en pourra estre leué de part ny d'autre, outre ledit quartier courant & durant iceluy, si ce n'est vn autre quartier sur tout ce qui en est deu du passé.

XI.

CEUX qui se trouuent à present prisonniers de guerre, & qui n'ont

B

composé de leur rançon, seront deli-
 urez dans quinze iours apres la publi-
 cation de ladicte Tréue: sçauoir les
 simples soldats sans rançon, les au-
 tres gens de guerre tirans solde d'un
 party ou d'autre, moyennāt vn quar-
 tier de leur solde: excepté les chefs
 des gens de cheual, lesquels ensemble
 les autres Sieurs & Gentilshōmes qui
 n'ont charge, en serōt quittes au plus
 pour demie annee de leur reuenu: &
 toutes autres persōnes serōt traictées
 au faict de ladicte rançon, le plus gra-
 tieusement qu'il sera possible, eu re-
 gard à leurs facultez & vacations; &
 si y a des femmes ou filles prison-
 nieres, seront incontinent mises en
 liberté, sans payer rançon; Ensem-
 ble les enfans au dessoubs de seize
 ans, & les sexagenaires, ne faisans la
 guerre.

XII.

Qu'il ne sera durant le temps de la

presente Tréue entreprins ny attenté aucune chose sur les places les vns des autres, ny faiet aucun autre acte d'hostilité: & si aucun s'oublioit de tant, de faire le contraire, les chefs feront reparer tels attentats, & punir les contreuenans, comme perturbateurs du repos public: sans que neâtmoins lesdites contrauentions puissent estre cause de la rupture de la-dicte Tréue.

X I I I.

Si aucun refuse d'obeir au contenu des presens articles, le Chef du Party fera tout le deuoir & effort qu'il luy sera possible, pour l'y contraindre. Et où dans quinze iours apres la requisition qui luy en sera faiete, l'execution n'en seroit ensuiue, sera loysible au Chef de l'autre Party de faire la guerre à celuy ou ceux qui feroient tel refus, sans qu'ils puissent estre secourus ny assiste de

l'autre part, en quelque sorte, que ce soit. X I I I.

N E sera loisible prendre de nouveau aucunes places durant la presente Tréue, pour les fortifier, encores qu'elles ne fussent occupees de personne. X V.

T O V S gens de guerre, d'vne part & d'autre, seront mis en garnison, sans qu'il leur soit permis tenir les chāps à la foule du peuple & ruyne du plat pais. X V I.

LES Preuoists des Mareschaux feront leurs charges & toutes captures aux champs, & en flagrant delict, sans distinction des partis, à la charge de renuoy aux Iuges, ausquels la co-gnoissance en deura appartenir.

X V I I.

N E sera permis de se quereller & rechercher par voye de faict, duels & assembles d'amis, pour differêts ad-

uenus à cause des presens troubles, soit pour prinſes de perſonnes, maiſons, beſtial, ou autre occaſion quelconque, pendãt que la Tréue durera.

XVIII.

S'ASSEMBLERONT les Gouverneurs & Lieutenans generaux des deux partis en chacune prouince, incontinent apres la publication du preſent traicté, ou deputeront commiſſaires de leur part, pour aduiſer à ce qui ſera neceſſaire pour l'exécution d'iceluy, au bien & ſoulagemẽt de ceux qui ſont ſoubz leurs charges: & où il ſeroit iugé entre eux vtile & neceſſaire d'y adiouſter, corriger ou diminuer quelque choſe, pour le bien particulier de laditte prouince, en aduertiront leurs chefs pour y eſtre pourueu. XIX.

LES presens Articles ſont accordez, ſans entendre preiudicier aux

accordz & reglemens particuliers
faictz entre les Gouverneurs & Lieu-
tenans generaux des prouinces, qui
ont esté confirmez & approuuez par
les chefs des deux partis. x x.

Aucunes entreprises ne pourront
estre faictes durant la presente Tré-
ue par l'un ou l'autre party, sur les
pays, biens & subiects des Princes,
& Estats qui les ont assisté. Com-
me au semblable lesdits Princes &
Estats ne pourront de leur costé
rien entreprendre sur ce Royaume,
& pays estans en la protection de
la Couronne: Ains lesdits Princes
retireront hors d'iceluy incontinent
apres la conclusion du present trai-
cté leurs forces, qui sont en la cam-
pagne; & n'en feront point rentrer
durant ledit temps. Et pour le regard
de celles qui sont en Bretaigne, serōt
renuoyces, ou separees; & mises en

garnison, en lieux & places qui ne puissent apporter aucun iuste soupçon. Et quant aux autres prouinces, es places où y a des estrangers en garnison, le nombre d'iceux estrangers estans à la solde desdits Princes, n'y pourra estre augmenté durant la presente Tréue. Ce que les Chefs des deux partis promettent respectiue-
ment pour lesdits Princes, & y obligent leur foy & honneur. Et neant-
moins ladicte promesse & obligatiō ne s'estendra à monsieur le Duc de Sauoye : mais s'il veut estre cōpris au present traicté, enuoyant sa Declarati-
on dans vn moys, il en sera lors ad-
uisé & resolu au biē commun de l'vn
& de l'autre part. XXI.

Les Ambassadeurs, Agents & Entremetteurs des Princes Estrangers, qui ont assisté l'vn ou l'autre party, ayans passeport du Chef du Party

qu'ils ont assisté, se pourront retirer librement, & en toute seureté, sans qu'il leur soit besoin d'autre passeport que du presët traité: A la charge neantmoins qu'ils ne pourrôt entrer ez villes & places fortes du Party contraire, sinon avec la permission des Gouverneurs d'icelles.

XXII.

Que d'une part & d'autre serôt baillez passeports pour ceux qui serôt respectivement enuoyez porter ladicte Trêue en chacune des Prouinces & Villes que besoin seia.

Fait & accordé à la Villette, entre Paris & S. Denys, le dernier iour de juillet, 1593. & publié le premier iour d'Aoust enuoyant esdites villes de Paris & S. Denys, à son de trôpe & cry public, ez lieux accoustuméz. Et est signé en l'original, HENRY. & CHARLES DE LORRAINE. Et plus bas, RIVIS, & BAUDOUIN.

XXIII.

Les Ambassadeurs, Agents & Envoyés des Princes Estrangers, ont esté l'un ou l'autre party, sans passeport du Chef du Party.